

**Uunga siunnersuut: Inatsisartut Naatsorsueqqissaartarfik pillugu inatsisaata
allanngortinneqarneranik Inatsisartut inatsisaat nr. x, xXx 2015-imeersoq**
(Paasissutissanik ingerlatitseqqittarneq)
(Aningaasaqarnermut Aatsitassanullu Naalakkersuisoq)

pillugu

Aningaasaqarnermut Akileraartarnermullu Ataatsimiititaliap

ISUMALIUTISSIISSUTAA

Siunnersuutip aappassaaneerreqarnerani saqqummiunneqartoq

Aningaasaqarnermut Akileraartarnermullu Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Jens Immanuelson (Siumut) siulittaasoq

Inatsisartunut ilaasortaq Steen Lyngé (Atassut) siulittaasup tullia

Inatsisartunut ilaasortaq Jess Svane (Siumut)

Inatsisartunut ilaasortaq Tillie Martinussen (Demokraatit)

Inatsisartunut ilaasortaq Naaja H. Nathanielsen (Inuit Ataqatigiit)

Inatsisartunut ilaasortaq Sara Olsvig (Inuit Ataqatigiit)

Inatsisartunut ilaasortaq Peter Olsen (Inuit Ataqatigiit)

UKA 15-imi siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Siunnersuuteqartoq naapertorlugu inatsisissatut siunnersuut manna qularutiginnilernerumut aaqqiissutissatut siunniussaavoq aammalu Inatsisartut Naatsorsueqqissaartarfik pillugu inatsisaata ukiorpassuarni periuserineqarsimasumik, pisortat oqartussaasut nalunaarsuiffii pillugit inatsit naapertorlugu ineriartorsimasumik ingerlatsiinnarsinnaanermut aporfiumnginneranik erseqqissaaniarneruvoq.

2. Ataatsimiititaliap siunnersuummik suliarinninnera

Naatsorsueqqissaartarfiup siulersuisuisa paasissutissanik ingerlatitseqqittarnermi suleriaatsinik erseqqinnerusunik aalajangersaanissamat piginnaatinneqarnissaa siunnersuutigineqarmat Aningaasaqarnermut Akileraartarnermullu Ataatsimiititaliamit tusaatissatut tiguneqarpoq. Tamatuma peqatigisaanik ataatsimiititaliamit maluginiarneqarpoq ukiorpassuarni periuserineqarsimasoq siunnersuutikkut ingerlatseqqinneqarmat.

Siunnersuut Inatsisartunit nalinginnaasumik tapersorneqartoq Aningaasaqarnermut Akileraartarnermullu Ataatsimiititaliamit maluginiarneqarpoq. Pissutsit assigiinngitsut pillugit oqaaseqaatit kaammattuutillu siunnersuutip inersuarmi siullermeerneqarnerani saqqummiunneqartut ataatsimiititaliap Naalakkersuisunut eqqumaffigeqqussavai.

Assersuutigalugu pingartinneqarpoq paasissutissat inunnut ataasiakkaanut tunngasut pisariaqartumik illersorneqarnissaasa suleriaasissanik aalajangersaanermi qulakkeerneqarnissaa.

Makku qulakkeerniarlugit sulinerup ingerlaqqinnissaa kissaatigineqarpoq:

- Paasissutissat ima passunneqarlutillu atorneqassasut akuersissutinik peqartunit naapertuutinngitsumik atorneqarsinnaanerat pinngitsoortinneqassaluni
- Paasissutissat ima passunneqarlutillu atorneqassasut paasissutissanik inuit kikkunerinik takussutissiisinnaasunik ingerlatitseqqittarnermi piumasaaqatitigut qulakkeerneqarluni paasissutissat inuit suliffeqarfiilluunniit kikkunerinik paasissutissiisinnaannginnissaat.
- Inuit pillugit paasissutissanik toqqortarinnineq, atuneq aammalu atonerlunneqarsinnaanerannut illersuineq eqqarsaatigalugu paasissutissat ingerlatseqqinneqartut pillugit isumannaallisaanerup ingerlaavartumik nalilerneqartarnissaa.

3. Siunnersuutip aningaasatigut kingunerisassai

Siunnersuut annertunerusunik kinguneqartussatut naatsorsuutigineqanngilaq. Allatut nalilinnissamat ataatsimiititaliaq tunngavissaqanngilaq.

4. Ataatsimiititaliap inassuteqaatai

Tamanna tunngavigalugu siunnersuut Inatsisartunit akuerineqassasoq **ataatsimiititaliap isumaqatigiittup inassutigaa.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

Jens Immanuelen,
siulittaasoq

Steen Lynge

Jess Svane

Tillie Martinussen

Naaja Nathanielsen

Sara Olsvig

Peter P. Olsen